

Bosna i Hercegovina  
Federacija Bosne i Hercegovine  
Tuzlanski kanton  
Općina Teočak  
**Općinski načelnik**  
Broj: 02-11-1407-8/24  
Teočak, 09.12.2024. godine

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

### **ODLUKU**

o rezultatima okončanog postupka javne nabavke i izboru najpovoljnijeg ponuđača

#### **Član 1.**

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-1407-7/24 zaključenog dana 09.12.2024. godine, Ugovor za nabavku radova na adaptaciji prostora u objektu sportske dvorane dodjeljuje se najpovoljnijem ponuđaču „Armin Gradnja“ doo Sapna, za ponuđenu cijenu od **28.800 KM** bez PDV-a po ponudi broj: P-05/2024 od 28.11.2024. godine. Ukupna vrijednost radova s obračunatim PDV-om iznosi **33.696,00 KM**.

#### **Član 2.**

Prijedlog Ugovora dostavit će se na potpis izabranom ponuđaču na adresu „Armin Gradnja“ doo Sapna, Kobilići bb; 75411 Sapna.

#### **Član 3.**

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Teočak, Centar bb, 75414 Teočak ili lično na Protokol Općine, dostaviti originale ili ovjerne kopije dokaza o činjenicama navedenim u Izjavama iz članova 45., 47. i 51. Zakona o javnim nabavkama BiH, ne starije od 3 (tri) mjeseca od dana predaje ponude s tim da datum izdavanja dokumenata ne smije biti nakon datuma podnošenja ponude. Ponuđač je dužan dostaviti novi obrazac za cijenu ponude korigovan za procentat umanjenja cijene putem e-aukcije.

#### **Član 4.**

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

## Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine [www.teocak.gov.ba](http://www.teocak.gov.ba).

### Obrazloženje

Postupak javne nabavke pokrenut je Odlukom o pokretanju postupka javne nabavke broj 02-11-1407-1/24 od 11.11.2024. godine. Javna nabavka je provedena putem otvorenog postupka. Procjenjena vrijednost javne nabavke je 34.050,00 KM bez PDV-a.

Komisija za javnu nabavku je dana 09.12.2024. godine dostavila Ugovornom organu Zapisnik o otvaranju ponuda broj: 02-11-1407-6/24 i Zapisnik o pregledu i ocjeni ponuda sa preporukom za izbor najpovoljnijeg ponuđača broj 02-11-1407-7/24 zaključen dana 09.12.2024. godine u postupku javne nabavke radova na adaptaciji prostora u objektu sportske dvorane u Teočaku.

U postupku utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 3 (tri) ponude i to od ponuđača: „Elektrocentar Petek“ doo Tuzla, „Armin Gradnja“ doo Sapna i OR „Solo maher“ vl. Muratović Sadmira, Teočak;
- da je blagovremeno zaprimljeno 3 (tri) ponude i to od ponuđača: „Elektrocentar Petek“ doo Tuzla, „Armin Gradnja“ doo Sapna i OR „Solo maher“ vl. Muratović Sadmira, Teočak;
- da su neblagovremeno zaprimljene 0 ponuda;

Komisija je sve ponude ocijenila kao prihvatljive. Cijene pristiglih ponuda bez PDV-a prije održavanja e-aukcije su sljedeće: Ponuđač „Elektrocentar Petek“ doo Tuzla je ponudio ponudu po cijeni od 33.824,06 KM, Ponuđač „Armin Gradnja“ doo Sapna je ponudio ponudu po cijeni od 34.046,58 KM i Ponuđač OR „Solo maher“ vl. Muratović Sadmira je ponudio ponudu po cijeni od 33.483,54 KM. Cijene ponuda bez PDV-a nakon održane e-aukcije su sljedeće: Ponuđač „Armin Gradnja“ doo Sapna je ponudio ponudu po cijeni od 28.800,00 KM te je svoju prvobitnu ponudu umanjio za 15,41 %, Ponuđač OR „Solo maher“ vl. Muratović Sadmira je ponudio ponudu po cijeni od 28.900,00 KM te je svoju prvobitnu ponudu umanjio za 13,69%, dok se ponuđač „Elektrocentar Petek“ doo Tuzla nije nadmetao putem e-aukcije.

Komisija je konstatovala da je ponuda od ponuđača „Armin Gradnja“ doo Sapna najpovoljnija i dala je preporuku Ugovornom organu za donošenje Odluke o okončanju postupka i izboru najpovoljnijeg ponuđača. Kriterij za ocjenu ponuda je bio najniža cijena.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.



U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) najniža cijena ponude, Zakona o javnim nabavkama, odlučeno je kao u članu 1. ove Odluke.

#### **Pouka o pravnom lijeku**

Protiv ove odluke može se izjaviti žalba, najkasnije u roku od 10 (deset) dana od dana prijema ove Odluke.

Dostavljeno:

- Ponuđačima
- a/a



Općinski načelnik

Tajib Muminović